

Broj: 23-4830-24/24

Datum: 02.07.2024. godine

Na osnovu člana 64. stav 1. tačka b), člana 70. stavovi 1., 3. i 6., člana 72. stav 3. tačka c) Zakona o javnim nabavkama (Sl. Glasnik BiH broj: 39/14, 59/22) i člana 27. Statuta Javne ustanove Opća bolnica „Prim. dr. Abdulah Nakaš“, u postupku javne nabavke roba **Lijekovi za potrebe bolnice, JN 35/24**, direktor Javne ustanove Opća bolnica „Prim.dr.Abdulah Nakaš“, donio je

ODLUKU

o dodjeli ugovora drugorangiranom ponuđaču za LOT 41

Član 1.

Okvirni sporazum za javnu nabavku roba **Lijekovi za potrebe bolnice, JN 35/24, za LOT 41 - Salbutamol otopina za raspršivanje**, dodjeljuje se ponuđaču „Phoenix Pharma“ d.o.o. Bijeljina, ponuda broj 445-Y-P/24 od 27.05.2024. godine, sa konačnom cijenom ponude nakon provedene E-aukcije u iznosu od **1.557,00 KM** bez uračunatog PDV-a, odnosno **1.821,69 KM** sa uračunatim PDV-om, kao drugorangiranom ponuđaču.

Član 2.

Izabrani ponuđač nije obavezan dostaviti originale ili ovjerene kopije dokumentacije iz člana 45. Zakona o javnim nabavkama, obzirom da je iste dostavio uz ponudu.

Član 3.

Prijedlog Okvirnog sporazuma dostavit će se na potpis izabranom ponuđaču nakon isteka roka od 10 (deset) dana, računajući od dana prijema odluke o dodjeli ugovora drugorangiranom ponuđaču.

Član 4.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine (Službeni Glasnik BiH broj: 39/14, 59/22).

Član 5.

Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama Bosne i Hercegovine (Službeni Glasnik BiH broj: 39/14, 59/22).
Stupanjem na snagu ove Odluke, stavlja se van snage dio člana 1. Odluke o izboru najpovoljnijeg ponuđača broj 23-4830-19/24 od 20.06.2024.godine, koji se odnosi na izbor najpovoljnijeg ponuđača za LOT 41 Salbutamol otopina za raspršivanje.

Član 6.

U preostalom dijelu Odluka o izboru najpovoljnijeg ponuđača broj 23-4830-19/24 od 20.06.2024.godine ostaje nepromijenjena i na snazi.

Obrazloženje

Ugovorni organ je proveo postupak nabavke putem otvorenog postupka nabavke roba - Lijekovi za potrebe bolnice, JN 35/24, te donio Odluku o izboru najpovoljnijeg ponuđača, broj: 23-4830-19/24 od 20.06.2024.godine.

Prvorangiranom ponuđaču PTD „MGM FARM“ d.o.o. Kakanj, dostavljena je Odluka o izboru najpovoljnijeg ponuđača. Dana 02.07.2024.godine ugovorni organ zaprimio Obavijest o odustajanju od dodijeljenog LOT-a 41, u kojem izabrani ponuđač obavještava Ugovorni organ da odustaje od ponude za navedeni LOT, te je kao razlog odustajanja naveo da nije u mogućnosti u skladu sa navedenom cijenom izvršiti isporuku robe.

U skladu sa članom 72. stav 3. tačka c) Zakona o javnim nabavkama (Sl. Glasnik BiH broj: 39/14, 59/22), Ugovorni organ dostavlja prijedlog ugovora onom ponuđaču čija je ponuda po rang – listi (Izvjestaj o toku i završetku E-aukcije), odmah nakon ponude najuspješnijeg ponuđača, u slučaju da najuspješniji ponuđač odbije dodjelu ugovora.

Iz navedenih razloga, a primjenom člana 72. stav 3. tačka c) Zakona o javnim nabavkama (Sl. Glasnik BiH broj: 39/14, 59/22) i člana 27. Statuta Javne ustanove Opća bolnica „Prim.dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: **Javne ustanove Opća bolnica „Prim.dr.Abdulah Nakaš“, Kranjčevićeva broj 12, 71000 Sarajevo.** Žalba se podnosi u najmanje 3 (tri) primjerka.

Pripremila:

Emina Turković, dipl.iur.

~~Stani~~ni saradnik za javne nabavke


Kontrolisala :

Amira Petrović, BA općeg prava,

šef Odsieka za javne nabavke

Dostaviti:

- PTD „MGM FARM“ d.o.o. KAKANJ, 311.Lahke brigade br.97, 72240 Kakanj
- Phoenix Pharma d.o.o.Bijeljina, Ljeljenča 015B, 76300 Bijeljina
- Bolnička apoteka
- Komisiji za javne nabavke



DIREKTOR

Prof. dr. Ismer Gavrankapetanović